

OFFICIUM INTERLINGUISTICUM BUDAPESTIENSE.



Dom.

prof. Giuseppe Peano

Cavoretto-Torino.

Budapest, 19.6.30.

Honorato coidealista,

*R. Z.*

Nunc uno periodo de meo activitate in dominio de interlinguistica fi finito. Statu praesente es: me habe uno deficit de cca 150 Pengő, que non fi diminuto, sed solum aucto, nam me jam recipe quasi omne subventiones pro anno 1930, et me non pote spera de recipe nunc, in dimidio secundo de anno, summas considerabile. Etiam meo tempore libero fi diminuto. Ergo me debe resolve id quem Vos pote lege in adjuncto circulare de Comitatu pro Terminologia.

Meo desiderio es nunc, de desina meo tempore, libero pro interlinguistica, in loco de Communicationes, ad collaboratione in Schola et Vita.

In die 27.1.1930, prof. Mastropaolo scribe ad redactrices de revista paedagogico "A Jövő Utjain": "In 1930 me vol amplia, in Schola et Vita, parte 'Ex Diurnales et Revistas', ut non solum da de omne periodico citato mentiones bibliographico, sed refer, in forma plis au minus extenso, articulos plus importante ibi publicato. Sed Schola et Vita - publicato pro uno ideale de fraternitate humano - nihil pote expende pro versiones ex linguas que redactores ignora. Ergo, ut pote actua meo proposito ... me preca Directore de periodicos, qui approba meo iniciativa, de vol da suo auxilio, cum mitte ad me - in versione italiano aut franco aut hispanico, si possibile, excerptos ... etc."

Usque nunc me non vide, que ce plano de prof. M. pote fi actuato. Et ce grole ad me. Me opina, que me pote realiza id. Nam me es capabile de fac excerptos et recensioni ex periodicos ex sequente dominios / et me habe interesse et forsan etiam aptitudine pro id/: bibliographia, bibliophilia, philosophia, scientias sociale / etiam jure /, linguistica, biologia, chemia, medicina, arte, liiterature, historia, "billettristica"; ex linguas A, D, F, H, I, Hung. Et me pote attinge colaboradores pro R. et Hebr. Me cognosce multitudine de periodicos, et me vol cum gaudio organiza relationes de commutatione cum SeV, quo appare nunc valde rudimentario.

Ante que me offer meo servitios ad prof. Mastropaolo, me communica ca intentione ad vos. Me expecta Vestro responso et secundum Vestro consili me vol scribe proposito praecedente ad prof. M., aut renuntia ad ce plano.

Salutationes cordiale dex Vestro devoto

*Deo Zolpigi.*